

## **BANK ISLAM TAWAR BANTUAN KEWANGAN KEPADA MANGSA MANJIR SELURUH NEGARA**

**KUALA LUMPUR, Selasa, [7 Mac 2023]:** Bank Islam Malaysia Berhad (Bank Islam) meneruskan Program Prihatin Banjir untuk membantu para pelanggan pembiayaan yang terjejas. Pelanggan Pembiayaan Rumah, Peribadi dan Kenderaan yang terkesan boleh memohon moratorium sehingga enam (6) bulan, tertakluk kepada terma dan syarat yang ditetapkan.

Sementara itu, penangguhan bayaran sehingga enam (6) bulan turut disediakan kepada pelanggan perusahaan mikro, kecil dan sederhana (PMKS) Bank Islam. Bantuan kewangan ini terbuka kepada semua kemudahan kredit dengan bayaran berjadual atau secara kontrak, khususnya Kemudahan Pembiayaan Berjangka, Kemudahan Kredit Pusingan & Aliran Tunai serta Kemudahan Perdagangan.

Bank Islam turut menawarkan pemansuhan fi dan caj penggantian kad debit-i dan buku cek yang hilang atau rosak akibat banjir.

Selain itu, Bank Islam turut menyediakan Kemudahan Bantuan Bencana (DRF) untuk mengurangkan beban kewangan pelanggan yang terjejas akibat banjir dan membantu perusahaan mereka kembali beroperasi. Di bawah kemudahan ini, perusahaan mikro yang layak boleh memohon pembiayaan sehingga RM150,000. Pembiayaan berjumlah RM700,000 disediakan untuk PKS dengan tempoh tujuh tahun, termasuk moratorium selama enam (6) bulan.

Permohonan untuk Program Prihatin dan DRF boleh dibuat di cawangan Bank Islam terdekat yang beroperasi dalam masa tiga (3) bulan daripada kejadian.

Pelanggan yang terjejas boleh mendapatkan maklumat lanjut berkaitan Program Prihatin Banjir dengan melayari [www.bankislam.com/program-prihatin-banjir/](http://www.bankislam.com/program-prihatin-banjir/). Pelanggan boleh turut menghubungi Pusat Panggilan Bank Islam di [contactcenter@bankislam.com.my](mailto:contactcenter@bankislam.com.my) atau 03- 26 900 900 untuk bantuan lanjut. Sementara itu, pelanggan perniagaan juga boleh menghantar emel ke [sme-assist@bankislam.com.my](mailto:sme-assist@bankislam.com.my).

---

### **Mengenai Bank Islam Malaysia Berhad (No. Pendaftaran Syarikat [198301002944(98127-X)]**

Bank Islam adalah institusi perbankan Islam pertama di Malaysia yang disenaraikan di Papan Utama, Bursa Malaysia Berhad. Ditubuhkan pada bulan Julai 1983 sebagai institusi perbankan Islam pertama di Malaysia, Bank Islam mempunyai 135 cawangan dan lebih daripada 900 terminal layan diri di seluruh negara. Sebagai institusi perbankan Islam lengkap dan tulen, Bank Islam menyediakan penyelesaian perbankan dan kewangan yang mematuhi undang-undang dan prinsip Syariah dengan ketat serta komited terhadap hasrat kemakmuran lestari dan nilai-nilai ESG. Anak syarikat utama Kumpulan Bank Islam adalah perintis dalam pelbagai perkhidmatan kewangan Islam, termasuk pelaburan dan

pembrokeran saham, iaitu BIMB Investment Management Berhad dan BIMB Securities Sdn Bhd. Untuk maklumat lebih lanjut mengenai produk dan perkhidmatan kumpulan Bank Islam, layari [www.bankislam.com](http://www.bankislam.com).

**Untuk maklumat lanjut, sila emel ke:** [MediaRelationsEditorial@bankislam.com.my](mailto:MediaRelationsEditorial@bankislam.com.my)